


KOMMUNE QEQERTALIK



TAPIISARNERMUT ILEQQOREQQUSAQ

Kalaallisut

2022

Indhold

§ 1. Siunertaq.....	3
§ 2. Inatsisit tunngavigineqartut.....	3
§ 3. Peqatigiiffimmut Suleqatigiinnut (komite) Inuinnaallu qinnuteqarnerini piumasaqaatit.....	3
§ 4. Taperneqarnissamut qinnuteqaatit piumasaqaatitai.....	4
§ 5. Tapiissutininik atuisimanermut uppersaaitit	4
§ 6. Aningaasaliissutit killingi.....	4
§ 7. Timersornermik siunertallit tapiissuteqarfigineqartarneri.....	5
§ 8. Kulturikkut aqqissuussat tapiissuteqarfigineqartarneri	6
§ 9. Folkehøjskolernernut tapiissuteqartarneq.....	7
§ 10. Akuersisinnaatitaasut.....	8

§ 1. Siunertaq

- Kommune Qeqertalimmi najukkami peqatigiiffiit, ataatsimiitsitaliat, inuinnaat, timersornikkut kulturikkullu aqqissuussat silamilu ingerlatsinerit tamaasa, angalanermut aningaasartuutitut aamma ininik attartornermut tapiissuteqarfiginerisigut tapersersornissaat.
- Kommune Qeqertalimmi najukkami kulturikkut aqqissuussat tapersersussallugit.
- Atuartut folkehøjskolenerminni akiliisarnerinut tapiissuteqarnikkut tapersersussallugit.
- Meeqqat atuarianni atuartut paasisassarsiorlutik angalanerinut tapiissuteqarnikkut tapersersussallugit.

§ 2. Inatsisit tunngavigineqartut

- Kulturikkut ingerlatsineq sunngiffimmilu sammisaqartitsineq pillugit Inatsisartut inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. September 1988-imeersoq
- Folkehøjskolit pillugit Inatsisartut inatsisaat nr. 24, 18. November 2010-meersoq

§ 3. Peqatigiiffimmut Suleqatigiinnut (komite) Inuinnaallu qinnuteqarnerini piumasaqaatit

Imm. 1. Piorsarsimassutsikkut ingerlatsineq sunngiffimmilu sammisasaqartitsineq pillugit Inatsisartut inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. September 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm. 2. Pilersitsinertalimmik ataatsimeersuartitsisoqareersimassaaq.

Imm. 3. Peqatigiiffiup Suleqatigiillu – Komite ileqqoreqqusaani aalajangersakkat naapertorlugit ataatsimeersuortoqassaaq.

Imm. 4. Ileqqoreqqusaaq naapertorlugu siulersuisuni ilaasortassanik qinersinerit ingerlanneqassapput.

Imm. 5. Peqatigiiffik, suleqatigiit – Komite qinnuteqartorlu kinaluunniit Kommune Qeqertalimmi najugaqassaaq.

Imm. 6. Ukiut tamaasa 30. April nallertinnagu naatsorsuutit kommunimut tunniunneqartassapput najukkami sunngiffimmi pisortamut imaluunniit sunngiffimmi aqutsisumut.

Imm. 7. Ilaasortat amerlassusaat, ilaasortaanermut akiliutissaaq, pigisat aningaasallu uninngasuutit naatsorsuutini allassimassapput. Uani Suleqatigiit – komite inuinnaallu qinnuteqarsimasut pineqanngillat.

Imm. 8. Ataatsimeersuarnermi kukkunerisuisussatut toqqarneqartumit naatsorsuutit kukkunerisiorneqassapput.

Imm. 9. Ukiup tullissaanut sammisassanut pilersaarut najukkami sunngiffimmi pisortamut /sunngiffimmi aqutsisumut kingusinnerpaamik sapinngisamik 31.1. nassiunneqarsimassaaq.

Imm. 10. Angalanernut tapiissuteqartarneq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkusuunik, VHF radio, GPS, annanniutit atisartakkat ilaasunut tamanut aamma umiatsiaq/pullattagaq

aquateralalik.

§ 4. Taperneqarnissamut qinnuteqaatit piumasaqaatitai

Qinnuteqarnermi “Kommune Qeqertalimmit tapiiffiqineqarnissamut qinnuteqaat” immersorneqassaaq.

Imm. 1. Qinnuteqarnermi siunertaq qinnuteqaatigineqartoq pillugu paasissutissanik aamma aningaasat tapiissutigineqartussatut qinnutigineqartut amerlassusiinik imaqartinneqassaaq.

Imm. 2. Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput. Erinarsornermik nipilersornermillu suliaqartunut una piumasaqaat atuutingilaaq.

Imm. 3. Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput.

Imm. 4. Suliamik suliarinninnisaaq eqqarsaatigalugu tapiissutit tunniunneqarsinnaanerat ullunik 30-nik sioqqullugu najukkami sunngiffimmut pisortamut qinnuteqaat nassiunneqassaaq. Qinnuteqarnissamut piffissaliussaaq malinneqanngippat peqatigiiffiit, ataatsimiitsitaliat, inuinnaallu qinnuteqaamminik itigartinneqarsinnaapput.

§ 5. Tapiissutinik atuisimanermut uppernarsaatit

Imm. 1. Kommune Qeqertalimmut naatsorsuutit tunniunneqareersimassapput, sammisaqartitsinerup kingorna kingusinnerpaamik qaammat ataaseq qaangiutsinnagu.

Imm. 2. Tapiiffiqineqarnissamut qinnuteqaammi anguniakkatut allassimasut naapertorlugit tapiissutit tamarmiusut imaluunniit ilaannakortumik atorineqarsimassanngikkunik tapiissutit atunngitsuukkat Kommune Qeqertalimmut utertinneqassapput.

Imm. 3. Atunngitsuukkat utertinneqanngippata nutaamik qinnuteqaasionermermi itigartitsisoqassaaq, atunngitsuukkat peqatigiiffimiit, ataatsimiitsitalianiit, inuinnarniillu Kommune Qeqertalimmut utertitsinissap tungaanut.

§ 6. Aningaasaliissutit killingi

Imm. 1. Kommunalbestyrelsip missingersuutit suliarineqarnerini ukiumoortumik aningaasat tapiissutissat amerlassusaat aalajangersortassavai.

Imm. 2. Kommunimi inoqarfinni sisamaasuni inuit najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm. 3. Peqatigiiffiup suleqatigiiffiulluunniit (Komite) aallartisarneranut 1.000 kr. tungaanut tapiissuteqartoqarsinnaavoq.

Imm. 4. Peqatigiiffik pisortatigoortumik nuna tamakkerlugu unammersuarnermik aqqissuisoq 40.000 kr. tikillugit tapiiffiqineqarsinnaavoq, taakku ullormusiaqartitsinermut imaluunniit inunntu ajunngitsorsiassatut atorineqaaqusaanngillat. Holdit ataatsimik amerlanerusunik peqataatitaqassagunik – arnat angutillu taava 60.000 kr. tungaanut tapiisoqarsinnaavoq.

Imm. 5. Aqqissuussat pereersut tapiissuteqarfigneqarsinnaanngillat.

Imm. 6. Peqatigiiffiit Kommune Qeqertalimmut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7. Timersornermik siunertallit tapiissuteqarfigineqartarneri

Imm. 1. Iligiinnut ataatsinut (pr. hold) angalanermut aningaasartuutininut tapiissuteqartoqarsinnaavoq makkunani peqataasussanut:

- Inersimasunut 60%-mik angalanermut aningaasartuutininut tapiisoqarsinnaavoq. Kalaallit Nunaani Timersoqatigiiffiit Kattuffiata aaqqissugaanut akuerisaanilu pissartanngorniunnissamut anngunniunnernut aamma ajugaanniutivinnernut.
- Inoqarfiit 1500 inorlugit inulinni Kalaallit Nunaanni Timersoqatigiiffiit Kattuffiata aaqqissortagaannut peqataanermut tunngatillugu angalanernut 70% angullugit tapiisoqarsinnaassasoq.
- Meeqqanut inuusuttunullu 18 inorlugit ukiulinnut angalanermut aningaasartuutininut 90%-mik tapiisoqarsinnaavoq, Kalaallit Nunaani Timersoqatigiiffiit Kattuffiata aaqqissugaanut akuerisaanilu pissartanngorniunnissamut anngunniunnernullu. Matumani Kalaallit Nunaanni Arsaattartut Kattuffiata meeqqanut Cup-imik unammiaaartitsinerit ilanngullugit. (Ilangussaq 1)
- Pisortatigoortuunngitsumik GM-imi anngunnermi Old Boys aamma Old Girls (utoqqasaat) peqataanerini angalanerni aningaasartuutininut 50%-mik tapiisoqarsinnaavoq
- Nunani avannarlerni Europamilu meeqqanut inuusuttuaqqanullu 18-it inorlugit ukiulinnut ukiumut angalaneq ataaseq timersoqatigiiffimmut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarneq, tamatumani holdinut arlariinnut unammisoqassalluni. Nunanut allanut angalalluni sungiusariarnernut tapiissuteqartoqarneq ajorpoq
- Peqataasut Kommune Qeqertalimmi najugaqassapput. 18-nit inorlugit ukiullit ilinniagaqarlutik sumiiffinni allani najugaqarallartut periarfissinneqarsinnaapput.

Imm. 2. Kommune Qeqertalimmi pissartanngorniunnermi holdi ataaseq annerpaamik 50%-mik angalanermut taperneqarsinnaavoq.

Imm. 3. Meeqqat inuusuttullu 17-it tikillugit ukiullit illup iluani silamilu sammisaqartinneqarnerini atortunik attartornermut, ukiumoortumik fodboldskolimut aamma håndboldskolimut ilinniartitsinernilu taakkunani atortunut, aningaasartuutit tamarmiusut 100%- mik matussuserneqartassapput.

Imm. 3.1. Utoqqaat innarluutillillu suliunnaarnerisutillillu timersortarfimmik atuineranni aningaasartuutit 100%-mik matussuserneqartassapput.

Imm. 4. Kommunip timersortarfiutaani illup iluani silamilu inuusuttut 18-it sinnerlugit ukiullit timersornermik anguniagallit, sammisaqartinneqarnerini atortunik attartornermut aningaasartuutit ukiumoortumik akuerineqartut malillugit "Kommunimi Akigitat" atorlugit matussuserneqartassapput.

Imm. 5. Nammineq pigisumi Aasianni inuusuttut 18-it sinnerlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 90%-ii matussuserneqartassapput.

Imm. 6. Ukioq timersorfiusoq tamakkerlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsiniartilluni inatsit naapertorlugu meeqqanut pinerliisimanginnermi

uppernarsaammik, pinerliisimanninnermillu uppernarsaammik pissarsinissamut pisussaaffiliivoq, sungiusaasumut ataatsimut 5.000 kr. tapiissutitut tunniunneqarsinnaapput. Ukiq timersorfiusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm. 7. Nunanut allanut unammiartorluni peqataanerni, Kommune Qeqertalimmi najugaqartumut nuna tamakkerlugu holdikkaarluni unamminermit peqataasumut ataatsimut kaasarfimmiussaani atasiartumik 1.000 kr. tapiissutigineqarsinnaavoq.

Imm. 8. "Ukiup Timersullammaatut nersornaasiineq" annerpaamik 5.000 kr. aningaasartarissavaa, timersornerullu iluani nersornaasiinernut allanut, inummut ataatsimut inoqarfinnilu tamani nersornaasiinerit annerpaamik 3.000 kr. aningaasartaqartassapput. "Ukiup Timersullammaatut" allatigullu timersornerup tungaatigut nersornaaserneqartut toqqarneqassapput komitemit (ataatsimiititaliaq) makkunannga inuttaqartinneqartumit, sunngiffimmi susassaqartitsiniarnermi pisortaq, illoqarfinni nunaqarfinnilu tamani timersoqatigiiffinnit sinniisut. "Timersornerup ullua" ukiup nutaap aallartisimalaarnerni ingerlanneqartarpoq.

Imm. 9. Inuup peqqinnerunissaanut tunngassuteqartunut aqqissuussinernut soorlu: Aasiaat Midnight Sun Marathon-mut Kulunnguaq Run-mut 15.000 kr. aningaasartuutigiumaagaannut ingerlatsinermut tunngatillugu ajugaasut pissarsiassaannut tapiissuteqartoqartassaaq.

§ 8. Kulturikkut aqqissuussat tapiissuteqarfigineqartarneri

Imm. 1. Kommune Qeqertalimmi najukkani peqatigiiffiit, ataatsimiitsitaliat, inuinnaallu § 3-mi piomasagaatinnik naammassinnittut aningaasartuutaannut 50%-mik makkunannga aqqissuussinernut tapiissuteqarsinnaavoq makkunannga aqqissuussinernut:

1. Innuttaasunik paasisitsiniaaneq, soorlu assersuutigalugu kulturi timersornerlu pillugit paasitsiniaanerit
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit
3. Najukkami peqatigiiffiit ataatsimoorussamik siunertallit
4. Isiginnaartitsinerit, erinarsornerit aamma nipilersornerit
5. Filmertitsinerit aamma videortitsinerit

Imm. 2. Angalanerit aningaasartuutaasa affai tapiissuteqarfigineqarsinnaapput – taamaattoq Kommune Qeqertalimmi nipilersortartut erinarsortartullu Kommune Qeqertaliup avataani kulturip ineriartortinneqarneranik suliaqarnermik ilaqassappata amerlanerpaamik 15.000 kr. angullugit siumut utimullu angalanissamut tapiisoqarsinnaalluni.

Imm. 3. "Kulturikkut nersornaammik" Inuiattut ullorsiornermi ulloq 21.6 tunniunneqartartussami nersornaat annerpaamik 3.000 kr. aningaasartaqartassaaq illoqarfinni nunaqarfinnilu tamani (immikkut tamarmik). "Ukiumi Kulturikkut nersornaammik" nersornaaserneqartut toqqarneqassapput ataatsimiitsitaliamit makkunannga inuttaqartinneqartumit, sunngiffimmi susassaqartitsiniarnermi pisortaq, illoqarfinni nunaqarfinnilu tamani kulturikkut peqatigiiffinniit tamanit sinniisunit

Imm. 4. Angalanernut aningaasartuutinut annerpaamik 40% angullugit Qimussimik Kalaallit Nunaanni pissartangornuinnernut, ukiq ataaseq allortarlugu tapiissutigineqarsinnaapput.

Imm. 5. Nipilersornikkut aaqqissuussat annertuut ingerlanneqarnissaannut 75.000 kr. tikillugu tapiissuteqartoqartassaaq.

§ 9. Folkehøjskolernernut tapiissuteqartarneq

Imm. 1. Folkehøjskolit pillugit Inatsisartut inatsisaat nr. 24, 18. november 2010-meersumi § 20 imm. 3-mi allassimasut naapertorlugit ilinniartup akiliutissanut inassuteqaat 25%-iusoq ilinniartumit namminermit akilerneqartassaaq aamma ilinniartup kommunianit 75%-it akilerneqartassapput.

Imm. 2. Kalaallit Nunaanni folkehøjskolernermi tapiissutit qinnuteqaatit najukkami sunngiffimmi pisortamit imaluunniit sunngiffimmi aqutsisumit akuerineqartassapput.

Imm. 3. Kommune Qeqertalik Kalaallit Nunaata avataani folkehøjskolerniartunut imaluunniit idrætshøjskolenut tapiissuteqarneq ajorpoq.

Imm. 4. Kommune Qeqertalimmi oqaatsit pillugit atuarneranni ilisimatusarneranni EF-imi AFS-milu aningaasartuutissanut tapiissuteqartoqarsinnaavoq, periarfissat ataaniittut najoqqutaralugit:

- Inoqutigiinni ukiumut isertitat 0-340.000 kr. najoqqutaralugit sapaatip akunneranut 1.000 kr.
- Inoqutigiinni ukiumut isertitat 340.000-500.000 kr. najoqqutaralugit sapaatip akunneranut 600 kr.
- Inoqutigiinni ukiumut isertitat 500.000 kr.-miik qummut najoqqutaralugit sapaatip akunneranut 200 kr.

§ 10. Akuersisinnaatitaasut

Imm. 1. Qinnuteqaammi aningaasat assigiinngitsunik annertussuseqartut kommunimut aningaasaliissutigineqarsimasut iluini najukkami Timi Tarnimi sunngiffimmi pisortamut illoqarfimmilu aqutsisumut kiisalu inoqarfimmi aqutsisooqatigiittuni aalajangigassanngortillugit ingerlanneqartassapput.

Imm. 2. Sunngiffimmi pisortap aqutsisulluunniit pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 3. Qulaani aalajangersakkat Kommune Qeqertalimmi kommunalbestyrelsimut naammagittaalliutigineqarsinnaapput.

Ataatsimiitsitaliami Timi Tarnimiit akuerineqarpoq ulloq xx.xx.2022

Karl Thue Nathanielsen
Siulittaasoq, Ataatsimiitsitaliaq Timi Tarni

Kommune Qeqertalimmi Kommunalbestyrelsimit akuerineqarpoq ulloq xx.xx.2022

Ane Hansen
Borgmester, Kommune Qeqertalik

TAPILIUSSAQ: Kalaallit Nunaanni Timersoqatigiiffiit Kattuffiat ataani Kalaallit Nunaanni pissartanngorniuttarnerit